庫全書

子部

欽定四庫全書

子部 湛園礼記卷三

詳校官中書臣王 鵬 員外郎臣 斗稔文覆勘

校對官主事 臣陳文極總校官進士 臣朱 鈴 **腾绿监生臣郎世俊**

というこ A CONTRACTOR SPRINGERS AND A S 不禁未生乃令人上石立之泰山巓上遂 漢武帝所立也史記秦始皇本 是也封禪書云東上泰山泰 祀其下云刻所立石是秦石 了碑世傳為秦始皇立因取 孙院編修姜宸英撰

武有文刻石漢史又安敢不錄乎按顧氏之言辨矣 文一尺刻之日事天以禮立身以義事父以孝成民 然史記封禪書漢書武帝本紀引風俗通曰石廣二 字之密如此使秦皇别立此石秦史馬得不紀使漢 史記書之甚明無不先言立後言刻者古人作史文 石無文字之證今碑是也又云始皇刻石之處凡六 巡海上四月還至奉高上泰山封而不言刻石是漢 以仁四海之内莫不為郡縣四夷八蠻咸來貢職與

金分四月全書

次定四事全書 四 後唐張文寶知青舉進士有覆落者下學士院作詩賦 金初制杖罪至百則臀背分決及海陵庶人以脊近心 腹禁之雖主決奴婢亦論以違例海陵凶暴而此舉 暗合唐文皇 當云刻石又不當增文字也 史大夫從并上元封舊儀及刻石文若無文字則不 用之矣又後漢書張純傳帝乃東巡岱宗以純視御 大無極人民蕃息天禄永得云此古制也則武帝已 湛园礼記

有りで 人とう 部尚書張行簡轉對言擬作程文本欲為考試之式 第安能與英俊為準格聞者多其知禮金明昌中禮 生可畏來者未可量假令予復就試禮部未必不落 貢舉格學士李懌曰予少舉進士登科蓋偶然耳後 著墨水真可飲前輩虚心如此亦是實理今制試錄 議詔罷之此二段議論皆得體蘇子瞻曰麻衣如再 砚久不復常習今臨試擬作之文稍有不工徒起謗 今會試考試官御試讀卷官皆居顯職雅第後離筆 表 次至四車<

全書 劉歆作遂初賦自以朝政多失作遂初賦以歎往事而 金宗室表右宣宗子與末帝凡四人按宣宗子哀宗諱 守緒非末帝也末帝諱承麟哀宗本紀云内族承麟 笑於地下矣 譜哀宗世系并承麟不知何出史官之紕繆極矣 不用程文是也而淺學一 本疎族非宣宗子也今以哀宗為末帝既大誤又不 金制球族稱完顏明昌後避睿宗諱稱內族則承麟 湛阳礼記 1生紛紛擬作必為二君 含

遼史職官志引宋刀約詩押宴額爾欽疑額爾欽亦是 真兮寵幸浮寄奇無常兮寄之去留亦何傷兮大人 寄已意其解曰處幽潛德合聖神兮抱奇內光自得 常兮守信保已比老彭兮其言頗似曠達而為莽佐 宴官皆從行省定差就借以文武高爵長官之職以 執政重臣予讀金史禮儀志凡行省來宴回宴之押 之度品物齊兮舍位之過忽若遺兮求位得位固其。 命終致夷滅視殊綽之義正桓温相去何啻霄壤

KINDIO MANDER 金遼史記事多重複天祚天慶二年駕幸混同江頭魚 **鷲事一見樂志又載納巴河又屢見他傳語皆無詳** 蕭革巡擲大罵事一見義先傳一見革傳鴨子河頭 客至蕭足克布與蕭博與為欽哀皇后所誣而殺蕭奉 志又見天祚本紀又見蕭奉先傳帝命耶律義先對 先傳復云欽哀弑仁德皇后奉先與蕭足克布博廸等 酒酣上命諸酋長歌舞女直阿固達直視云云見樂 為轉銜之光想此即遠遺制雖在朝廷亦借街也 湛圆礼記

金になったとう 詩有五際四始四始者大明在亥水始也四壮在寅木 酒名三白取豐年之兆蝗蟲一雪入地三尺三雪則 金書忠義列傳云聖元記修纂遠金宋史史臣議凡前 聖元之為政也此事今修明史當引以為例 謀居多一事而互相矛盾尤大謬宜改正 言四始與詩序較異 始也嘉魚在已火始也鴻鴈在申金始也此緯家之 代之忠於所事者請書之無諱朝廷從之嗚呼仁哉

火正日年 公馬 吾鄉諺語看三色三色字出於韓嬰詩傳品氏春秋 宋朱或可談記都下市井謂不循理者為乖角又謂作 日子昔者禹一沐而三握髮一食而三起以禮有道之 耳 吾鄉亦有無雕當之稱宋當讀作去聲吾鄉則入聲 角衛士順天幞頭有一脚下垂者其僻呼為雕當今 事無據者為沒雕當喪禮胃摺祭以一竿揭之名乖 地九尺故三白為豐年之兆也 湛圆礼犯

明 張僧繇於江陵天皇寺圖孔子十哲之像或謂不宜僧 金グログノニー 後周滅二 制命婦入朝贊行四拜禮皆下手立拜惟謝賜時 志不紛乃疑於神耶 自題其墓曰花光和尚之墓後楊連功遍發人塚見 繇笑曰吾誠偶然安知不利於後人者莫知其旨及 仲圭义表疑為僧墓不發二君非解術數者豈非用 士周公吐握之說見於首子人罕稱禹也 一教惟此寺有宣尼像得不毀吳仲圭將卒

兄弟之子與父之兄弟其稱謂不見於經大抵從父而 我祖者我謂之孫朱子云兄弟之子稱從子自曾祖 父父之從祖昆弟為族父蓋謂我父者我謂之子謂 昆弟先生為世父後生為叔父父之從父昆弟為從 跪叩頭耳而民間婦女俯伏稽首與男子無異何哉 而下三代稱從子自高曾四代而下稱族子是也若 推者皆得蒙父稱從子而推者皆得蒙子稱故父之 姊妹於兄弟之子則推而遠之矣故爾雅曰女子謂

火江日和上上

湛国礼记

金グログノニ 號 云聖賢去人其間亦通子姓未之許是也然亦有徑 而稱之斯已耳按僖十五年左傳載晉史蘇之占曰 昆弟之子為姪謂姪之子 為歸孫然姪亦女子 稱子者史記二疏傳云父子相隨出關後漢書祭為 魏其傅云田蚡乃為諸郎侍酒跪起如子姪謝安石 男子對姑之稱也其子姪叔姪之稱於後世者史記 姪其從姑註謂我姪者我謂之姑謂子圉質秦此正 因娣姪而得名者非男子之正稱也無已則對姑

大江日本公山 慕容寶叔父德曰昔削瞶出奔衛轍不納春秋是之 唐以前猶為近古者也南史王球傳王履深結劉湛 或之言曰子與吾兒次卿遊是竟稱好為兒矣此則 史謝安自以父子名位太重云云南燕慕容與根謂 父子欲相傷陷云云晉書朝議欲以謝玄為荆州剌 傳將作大匠楊球飛章言邑及質邑上書自陳如臣 也至韓退之為元少尹房君墓志子曰次卿述其弟 以子拒父猶可况以父拒子乎是皆以叔姪為父子 湛圆扎記

種江頭柳十尋按古者卿大夫五十不稱字別以伯 宋惟黃魯直上叔父夷仲詩曰更懷父子東歸得手 仲天子稱同姓曰伯父叔父是稱也達於天下蓋伯 註江南人 誅湛之夕履徒跣告球其叔球曰阿父在汝亦何 次序而以父之昆弟同於凡人之稱矣禮惟婦稱夫 叔者長幼之稱也若去父止稱伯叔則是以長幼為 見此後之失禮之甚者也然豈獨此哉左傳云無 八謂叔父伯父為阿父為叔伯父者以自呼 憂

金グセルんと

大小田里山地 其疏曰或曰是父之姊是也蓋稱姑者有二一為婦 若父之姊為姑好父之妹為姑妹列女傳梁有節姑 謂之間字必有義後人日趨便易不悟其失良可既 妹入火而救其子叉左傳季武子以公姑姊妻邾庶 女而姊妹及姑姊妹疏引樊光曰春秋傳云姑姊 於其夫之母一為姪於其父之姊妹今以男子而稱 父之姊妹為姑亦何以自别於婦人哉故知古人 湛国礼記 稱

金罗巴尼 人 母之是弟為舅而男子謂姊妹之子曰出然左氏公羊 稱彌甥亦曰從孫甥見於哀二十五年衛夏戊之女 矣稱於王母昆弟曰彌甥見於左傳哀二十三年宋 景曹卒季康子曰以肥之得備彌甥註父之舅氏故 率謂之甥也爾雅妻之父為外舅謂我舅者吾謂之 母之見弟未有聞後漢書郭况族姊為皇祖考夫 甥故孟子曰帝館甥於貳室是翁壻亦得甥舅稱之 太叔疾之從孫甥也註姊妹之孫為從孫甥其稱王

次已日奉公告 是也夫兄之妻如也亦通謂之嫂漢張負以女孫嫁 見光武光武大喜曰乃令得大舅子然則漢之稱王 陳平戒曰汝事兄伯當如父事嫂當如母今俗稱夫 敬武長公主曰嫂何為取妹曹大家女誠亦云嫂妹 弟之稱也亦曰凡公見爾雅夫之凡為凡公夫之弟 之女兄弟曰姑是從女之稱因亦有稱妻之兄弟曰 為叔夫之姊為女公夫之女弟為女妹漢書薛宣傳 母之昆弟為大舅也妻稱夫兄弟曰伯叔伯叔猶兄 湛国礼記

左傳凡諸侯有命告則書不然則否杜註云承其告解 舅者皆謬也朱子語錄曰據前輩但以兄弟稱之 **贖而已不得記於典策此蓋周禮之舊制按策書存** 聞馬實錄所書又不實然後野史以與完其原亦簡 國之大體故宜器簡牘載四方之傳聞故宜詳二者 之史缺一不可後世實錄則策書之類也而簡牘無 史乃書之於策若所傳聞行言非将君命則記在簡 此夫之女兄弟通稱姊妹於古亦合

金気をあるこう

次足四重企 凡作事必量力以豫為其後來可以收拾之地楚之僭 **贖之類與** 使與桓公皆陰入其機殼而不覺也蓋管仲一生之 諸水濱管仲已先辦此一言為楚人解釋之地雖楚 見不及此而乃執此以相詰何也蓋自量其力不能 王其大罪也昭王之死非楚之罪以管仲之知豈其 可為辭然後與之盟而去之而勝勢在我矣君其問 去楚之稱王而姑舉其久遠無據之事以詰之使楚 湛固扎犯

金グセスとう 魏叔子贈新倒為官者有云張釋之之政事司馬相如 左傳君子曰管氏之世祀也宜哉杜氏曰管仲义後於 齊沒不復見傳亦舉其無驗昨舉示友人問子百詩 怪也 吾産武子云云共十世皆有諡惟末世景子步耐生 為予檢史記管仲傳註引世本云莊仲山産夷吾夷 相業智數大抵類此 做無諡耳此几案間書而杜孔諸君皆不及知亦可

次已可和在 壁立不知五百萬安在或武帝偶有納例史失載耳 署右職則當時之所尚可知矣但司馬傳又云家徒 謁者後納穀補卒史然左馮翊猶以霸納粟得官不 是以貨中格得即非捐納之例惟黄霸初以納錢補 亦曰以貲為郎師古曰以財多得為郎也是兩人 以貲為即蘇林曰雇錢若出穀也如淳曰漢制貲五 百萬得為常侍郎師古曰如說是也又司馬相如傳 之文學皆以貨為即百詩引漢制駁之按釋之傳註 湛固扎記 俱

陳殺其大夫洩治註洩治直諫於淫亂之朝以取禍故 楚滅庸晉滅狄皆縱而後殪之蓋小國之志縣勝則易 鄭執天子之二使不得謂小忿為周之計當告於大國 門馬有二義晉人圍曹門馬與門於桔柣攻門也文十 騎也 聲其罪而致討之不當用狄兵以伐同姓 耳富辰之 諫亦未為至當 五年門於勾驅守門也

不らり はんしんこう

大江田村公本日 華元夜入楚師直登子反之牀其將可襲而取也子反 襄十一年鄭人賂晉侯以師悝師觸師蠲歌鐘二肆及 不為春秋所貴然則龍途比干亦有罪乎此誣經之 聲之淫其為諸侯所貴重如此 甚者也 其鏄磬女樂二八十五年賂宋以師筏師慧可見 鄭 况於延敵使入如無人之境乎 之用兵亦疎矣先儒謂亞夫使軍中夜鱗猶為未善 湛闽礼記

金号巴尼台 齊崔杼生成及殭而寡注偏喪曰寡是失妻亦稱寡也 字書情音青皆釋以冠情之義余按左傳定九年齊侯 李礼觀樂使工歌之初不知其所歌者何國之詩也聞 有所擬議也 聲而後別之故皆為想象之辭曰此其為衛風乎其 舞則便知其何代之樂直據所見以贊之而已不復 有陶唐氏之遺民乎皆從想象而得之者也至於見 周之東乎其太公乎其周公之東乎其周之舊乎其

次足马車主動 倭傳建中元年使者真人與能獻方物真人蓋因官而 太宗末新羅立女善德為王國人號聖祖皇姑善德死 齒上下相值此又一義字書不載 奇事也 同三司此時正武后得政之時中外一時皆奉女主 遣春秋子敏入朝真德織錦為頌以獻死贈開府儀 贈光禄大夫而妹真德襲王永嶽元年攻百濟破之 賞犁彌犁彌辭曰有先登者哲情而衣狸製杜註情 湛圆机記

高宗亦有姨韓國夫人武后之姊宫中相傳章懷太子 **唐長孫無忌以烏羊皮為渾脫氊帽人多效之謂之趙** 麗紙 賢其所生也女亦寵號魏國夫人 遺製也宋史徐徽言傳羊皮皮渾脫亂流以掩敵此 氏者也與能善書其紙似繭而澤人莫識此即今高 渾脫又似以羊皮為脫而渡者 公渾脫今京師儀從人帽皆用鳥羊毛此亦渾脫之

陸雲有笑疾見張華多姿致又帛纏須大笑不能自己 太平與國中梁周翰言今崇政殿長春殿皇帝宣諭之 **唐德宗以順宗子謜為第六子以孫為子今吳下多有** 東都事畧劉温叟傳劉晦好笑雖在人主前不能自 言侍臣論列之事依舊中書修為時政記其極密院 之謂之過房 以機密亦令暴修每至月終送史館自餘百司凡 甚圆儿儿

宋 駙馬尚主多易其名使與父同行王貽正之子克明 遵字陞為崇矩之子馬王稱曰英宗以前公主廢舅 姑之禮主壻升行次同諸父英宗特思所以釐正之 繼昌子弱尚太宗女萬壽公主真宗特於其名上益 干封拜除改沿革制置之事悉備編錄仍今郎與舍 尚太宗女鄭國長公主賜名貽永李崇矩之子繼昌 付史館起居注進御自周翰始也 人分值崇政殿以記言動別為起居注先進御後降

多点四月全書

宋真宗時知制韶周起患貢舉之弊建議糊名以革之 こうこと 宋是字持正名字與皇甫俱同詩註從沒持正也 仁宗康定二年祭知政事李若谷罷為資政殿大學、 帝語神宗曰國家舊制士大夫之子有尚帝女皆升 提舉會靈觀宮觀置提舉自若谷始也 糊名之制始此 至神宗即位詔公主出降皆行舅姑禮 行以避舅姑义尊朕常忠此寤寐不平云云 英宗本紀

一多定四屆全書 楊傑劉之道墓銘開國以來嫡孫有諸叔而承重者自 文彦博高若訥墓銘丁秦國憂哀訴祈終三年喪故事 疏祭李賢後人知終制矣 待制以上遭喪類卒哭起復今許終服自公始也宋 尹王贄惜而留之义道不從以其事奏於朝下禮官 之道始之道為制作即遭祖母喪乞解官承重服府 大臣終喪自高若訥始其人與范歐諸賢為讐有 此 大節足當末減明初大臣亦多起復者自羅

というましていから 日溱為翰林學士疏論宰相陳執中仁宗還其疏溱請 元 史祭祀志因俗舊禮祥和署掌雜把戲男女一百 五 第 **茁軋被點者後再舉歐公得其卷奇之仁宗擢甲科** 議以為然乃聽其去之道名輝即歐陽公知貢舉以 十人至元七年起每歲二月十五日於大殿啟建白 而覺己持喪矣服除改官 付執中令自辨還疏之事僅見於此 神宗時孫覺以祖母亡解官下太常議不可 湛圆礼記

金ははたんだって 虞集廣智禪師塔銘當陽玉泉景德禪寺者智者大師 太平廣記會昌元年戎州水漲浮木塞江刺史趙士宗 著故青衣云關將軍遣來採木被此州接去不知為 **名水軍接木修開元寺後月餘有夷人逢一人如猴** 巴若靈與矣事見三百 神轎軍及雜用五百人 計要須明年却來收云云戎州蜀地此唐時關將軍 傘蓋佛事移文樞密院八 , 衛撥撞昇監壇漢關將軍

次定四車公書 元衮冕义制始自憲宗壬子年秋八月祭天於日月山 有郊壇大禮用公服始此至英宗親祀太廟復置鹵 道場也相傳有神自稱漢前將軍關於沒而藏神於 地命獻官以下諸執事各具公服行禮是時大都未 用冕服成宗太德六年春三月祭天於麗正門外丙 世之士觀此則漢壽亭侯之該持佛法自梁時已然矣 此願佐師遂建伽藍馬自隋歴唐至宋主之者皆名 此時即建關將軍廟於寺側 湛园礼北

宣聖廟執事儒服黃鞓角帶元制士子通用之服也其 金グピグノニ 至元初選七品以上朝官子孫為國子生隨朝三品以 元世界朝故事先皇帝御容置寺以奉之其制隆重管 士也 部服衮冕文宗繼之制度漸備矣 俗語有陪堂之稱以陪堂為伴讀猶元魏時之有博 他又有紅藍鞋帶云 一官得舉民間之俊秀入學為陪堂生伴讀故至今

父已日年八十 噶齊掌管造工像寺僧衣糧徵收房課之事該國仁 萬安規運提點所延祐二年性都總管府秩正三品 王寺有鎮遏提舉司大都民個提領所普安寺大相 有梵綠提舉司秩正五品織佛像提舉司秩亦如之 建之費動原數十萬繪畫佛像及土木刻削之工則 即唐太清宮宋儲祥宮之遺意而增華者也 全寺有起運提點所至大四年建大聖壽萬安寺置 財用所秩正七品掌寺中糧草諸物營膳司設達暋 湛图礼記

金グセカノコー 元世祖敦本重農中統元年命各路宣撫司擇通晓農 元以科目取士自延祐至元統凡七科而罷至元二年 置百家者别設長一員不及五十家者與近村合為 事者充隨處勘農官二年立勘農司以陳選崔斌等 復舉行至二十六年凡九科 是年又頒農祭之制一十四條其可法者縣色所屬 村疃凡五十家立 人為使至元七年立司農司以左丞張文謙為卿 一社擇高年晚農事者為之長增

CANTOLOL PILIS 俟其改過自新乃毀如終歲不改罰其代充本社夫 郡縣官不得以社長與科差事此制有三代通力合 之其有不敬父兄克惡者亦然仍大書其所犯於門 長以時點視誠不率教者籍其姓名以授提點官責 事凡種田者必牌橛於田側書某社某人於某上社 役社中有疾病凶喪义家不能耕種者衆為合力助 社仍擇數村之中立社長官司長以教督農桑為 社之中災病多者兩社助之凡為長者復其身 湛旧礼記

金分口人名言 意宗命雅爾噶爾協理斷事官事以洪故城為治所雅爾噶齊 常禾也秋耕之法今無言及者 作遺意而禁郡縣不得科差社長尤為良法史稱其 耕仁宗皇慶二年申秋耕之令蓋秋耕之利掩陽氣 為令甲儒人免丁者實雅爾噶爾始之也 科民丁於中原凡業儒者試通一 於地中蝗蝻遺種皆為日所曝死次年所種必盛於 仁宜矣武宗三年申命大司農除牧養之地聽民秋 一經即不同編户著

欽定四庫全書 !! 蘇秦洛陽人所居乗軒里 北齊司徒楊椿家弘農闔門孝友四世同居見於本傳 底窮民楊氏横奪其地見使雷同未敢聞命遂以 善之理至此頗爽後讀周書忽悟其故備書於此以 長史以下以椿勢貴皆言椿直欲以田給椿傷曰史 為世戒周書冠備傳華州民史底與司徒楊椿訟 **戮僅遺姪愔為高洋相復為其所誅愚當謂天道福** 者甚悉未子採之以入小學然遭爾朱之亂舉宗被 湛圆扎记 田 田

免也必如唐柳班之戒其子弟凡門第高可畏不可 恃膏梁子弟學宜加勤行宜加慎僅得比於常人 况在他人可不知警戒耶 語幾得免於驕恣之患然楊氏一家孝弟禍尚如此 子弟宗族猶得豪横鄉里侮慢守令此禍之所以不 子恃托椿勢侵害百姓守宰多被凌侮皆畏而不言 還史又泉企傳企為雅州刺史部民楊羊皮椿之從 企将取戮之於是宗族詣闕請恩夫家法嚴整而使 附録起儁字祖儁上谷

次定四車全書 周書不立志故八柱國見於獨孤信傳依周禮新定官 制見於盧辨傳錄用元魏之後見於元偉傳周世 時節列拜垂涕陳薦若宗廟馬吉凶之事必先啟告 昌平人兄祖訓祖禮並有志行閏門雍睦白首同居 儁結友儁每造光清言移日小宗伯盧辨恒語人 遠行往返亦如之少為司徒崔光所知命其子勵與 不見西安君煩憂不遣 父亡雖久而猶於平生所處堂宇備設帷帳几杖以 湛闽礼記 日

曾魯字得之有六一居士集正批南豐類稿辨誤 明王府音樂院有色長樂初奏皆色長跪放見正徳二 其長三寸九分而吹之以為黄鍾之宫在李支利前 始當以長孫無忌三寸九分為據日子斷竹兩節間 録 後靡有孑遺作史者寄慨深矣 保全元氏分布庶職是帝王盛事隋遷周鼎宇文之 川過源字道源陸象山弟子當謂黄鍾極清 陽之

というら 宋制士大夫得乞便地就養明初猶有此風胡儼南昌 左傅使封人 便地自儼始也後此制寢不行矣 退錄曰諺謂物多為無萬數漢書成帝紀語也峰 已有主此說者矣 碑記云世無萬數無萬即左傳所謂無慮吾四明諺 儿也師古漢書註無小思慮而大計也按趙與時賓 、為長垣教諭乞便養又改餘干因著為令許人乞 7. A.I. 人愿事註慮事無慮計功又註廣雅無慮都 祖国礼記

金分四月子 豐草 蔡墨知鄉里號蔡曽子廬江何伯璵兄弟鄉里號何展 宋孔季恭子靈符於永與立墅周回三十三里水陸地 禽 王公之苑囿不大於此矣恐傳之者失實 語至今稱多曰無萬 看桑底新懸炭恰值蠶眠未吐絲細雨賣茶聲過後 一百六十五頃含帶二山又有果園九處審爾則古 庵蠶豆詩誰賦田園雜與題琅玕記取夏初垂喜

ところして ところ 劉禹錫代祭柳員外文曰篋盈草禄架滿文篇鍾索繼 曾晓露餘又言蠶豆木有賦蓋豌豆也吳人謂之蠶 詩自註誠齋集蠶豆詩有沙瓶新熟西湖水漆櫑分 美班揚差肩則子厚亦工於書法矣惜其字不傳而 者謂之蠶豆至今猶然 豆按吾鄉以吳人蠶豆為豌豆而以吳人所謂寒豆 竹烟烧笋火停時沙瓶漆櫑分前咏豌豆今逢第二 於與劉唱和詩多有之 淮国礼记

金分巴尼白言 聘禮賞受養大夫二手授栗註受授不游手慎之也 ,服疏繩非今時不借也周時人謂之屢子夏時人 烹此新唐書以篠縣易竹馬迅霆易疾雷之濫觴 記削通曰狡兔死走狗烹而漢書改為野禽彈走狗 手不慎也世通語所謂游手者當作此解 初兩手俱用既授棗而不兩手共投栗則是游服)菲漢時謂之不借此凶屢不得從人借亦不得借 皆是異時而別名也按不借本是喪優後人有遊

海 隋殷紹表臣述九章數家雜要復以先師和公所注黃 韓文公詩題有寄第三廳閣老注王沂公言行錄記楊 帝四序經文三十六卷專說天地陰陽之本其孟序 大年呼沂公為第四廳問老疑前世遺俗稱呼按楊 望之山忽皆在目唑讀鹺萬喙聲也 紹傳故事中書舍人年久者為問老云 人驗候云山檯風潮來海唑風雨多擡謂海中素迷 山雙不借之句於是遂以不借代芒屐用之亦誤矣 湛图扎記

金グログノニ 宋文帝欲犯河南謂行人曰云云太武帝聞而大笑曰 畧當世所須吉凶舉動集成一卷上及天子下至庶 叔序明日月星辰交會相生為表裏李序具釋六甲 始於淮南子而闡明於殷紹遂為百代不刋之典矣 此即今監頌思日通書之所祖也歷家之刑福禍德 刑福禍德仰奉明古謹審先所見四序經文抄撮要 九卷說陰陽配合之原仲序解四時氣王休熟古凶 人吉凶所用罔不畢舉其四序堪與遂大行於世按

次足可事在動 唐有天下幾二百載而文章三變初則廣漢陳子昂以 龜 以野自顧不暇何能為也南龜 以野可對北 龍虎大王 其道益熾此補關李翰集梁肅之序韓退之肅所 風雅革浮侈次則燕國張公說以宏茂廣波瀾天寶 以還則李員外蕭功曹賈常侍獨孤常州比肩而作 巾 /露宿明日相見問無恙鄭周禮行人註問問不恙 湛固机記 蓋

近有欲補編廿一史志者廿一史中惟三國志及北齊 古者車皆立來唯安車與女人則坐吕氏春秋貴因篇 綏耳 遠途也竫立安坐而至者因其械也高誘註立猶行 至秦者立而至有車也適越者坐而至有舟也秦越 文盛而無三變之論矣 士是時韓柳之文未行故以蕭李之徒當之至韓柳 也非是且立如何替得行字所謂竫立者猶正立執

皆不當得志也齊周梁陳書咸成於唐初史臣之手 發凡起例必有成說今欲補志亦不過折磨書所載 無足怪魏之典故散見於晉宋齊書此猶可掇拾為 狐德菜姚思廉遂不復發四代之事於其史中當時 即入隋書故隋書志兼齊周梁陳之事而李百樂令 其時命魏徴修隋書命長孫無忌修五代史志志成 之者若吳則竊據江表東晉之燕石行姚耳於史例 後周梁陳書無志三國志蜀無史官其制度缺如固

欠巴田東上

湛圆礼记

金ジャカノニ 左傳晏子對景公和如美馬水火蘸蘸鹽梅以烹魚肉 醬也說文叔即鹽或之或許氏曰配鹽 未也叔古叔 纂志傳亦本於此五代史志當時亦單行於世 **夷鹽豉蓋秦漢以來始為之耳按此所謂豉即令之** 詞招魂備論飲食而言不及豉史游急就篇乃有蕪 疏此言和羹而不言豉古人未有豉也禮記內則楚 忌紀傳題魏徴後歐陽公不欲與宋景文共事而分 以分隷各史耳是亦不可以已乎隋書志題長孫無

大にりをという 左傳老者家父桓八年來求車若即作誦之人則己為 發之是已若周禮膳夫醬百有二十藝合醢六十藝 矣三代時未有素食者也 醯 他 韻府奉玉云有內醬之酯有鹽豉之酯鹽 豉 醯六十甕而言皆用肉合成非今醬之類故天官之 屬有醢人醢人鹽人而無醬人內則論語所稱皆是 非腥安得云醢自佛入中國人多持素鹽豉之用廣 也發豆使腐而以鹽配之謂之幽菽令為醫者以豆 湛国礼記

金グセガノニ 昭二十五年宋公享昭子賦新官此時夫子年已三 百歲上人矣故註疑之僖三十一 百歲尚見經傳 猶在蓋百三四十外人矣齊鮑國吳延州來年皆近 瑕註隱五年洩駕距此九十年疑非一人長狄榮如 **憶也明笙詩有聲無辭註逸詩恐未是** 五矣新宫尚在安得刑詩之時便亡而亡亦不能記 以魯桓十六年死至宣十五年一百三歲其兄僑如 年鄭洩駕惡公子

火二百五人 末世之亂法也不可以證先王之禮思謂妻之喪 娣姪繼之安得有再娶之事晉靈公再求婚於齊此 在不敢伸其私親也父必三年然後娶達子之志也 故可通謂之三年之喪按天子諸侯后夫人死即以 父以其子有三年之戚為之三年不娶有三年之義 惟服三年故后雖期通謂之三年喪此說太渾正義 云喪杖期章內有父在為母傳曰何以期屈也至尊 湛幽礼記

叔向謂襄王王一歲而有三年之喪二馬註天子絕期

金分四月台言 莊十八年秋有虱正義云洪範五行傳曰盛如鷩三足 哀公艾陵之戰公使太史臣歸國子之元其之新篋慰 氣所生也此不經之說魯女多淫至於盛生其地亦 生於南越南越婦人多淫故其地多蜜淫女盛亂之 太甚矣而鄭衛之淫者尤甚盛不見書何與 期則后喪之得稱三年無疑也 喪若叔伯之喪則不徒禪而除矣况天子諸侯絕旁 間月而禫共十五月亦得占三年故通謂之三年之

大小可与心上 韓退之自稱昌黎朱子引衆說而衷之云今河內有河 詩亦曰舊塋孟津北則知公為河内之南陽人然朱 **癸酉葬河南河陽則不待張籍祭詩而葬地始顯也** 子謂皇甫墓志不言鄉里今考志首叙事即云三月 **孥之銘亦曰歸骨於河南之河陽韓氏墓張籍祭公** 陽縣韓氏世居之故公每自言歸河陽省墳墓而女 之以元練加組帶馬製音註製為也史記製為本此 又公集息國夫人志妻樂葬河南河陽又云乞銘於 Q 湛园礼記

有為顧愷之順書者云漢武帝起柏梁臺羣臣應記作 我計朱子疑之改為人知人罪非我所計今考文萃 志遂啟總裁附其說於志内又皇甫志内知人罪非 尉杜周郭舍人等俱能以圖見生此字不明嗣後文 而此獨少變其體尤為生動云 其鄰韓愈則公义為河南河陽人益信矣今修 七言詩名能繪事者繪焉一時文臣如宗室劉安廷 曰知與罪非我計不但文意明白上下皆四言成句

全分でたろう

大砲與於宋末元初其初猶用石也元史阿木哈傳太 元最重馬乳自天子下各以脫羅檀置撒帳為取乳室 車駕還京師太僕柳先期遣使徴馬五十醖都來京 師醖都者承乳車之名也御用曰細乳黑馬乳也 其言而價之 其妙而龔寬在諸賢之間尤為傑出其言不倫而以 毛延壽為文臣雜於諸名臣中益可怪恐贋書者并 臣如谷永王嘉毛延壽張衡諸萬孔明皆能丹青造

火之四重上十

湛圆礼記

Ŧ

金りゅうろう 賈塔爾輝總砲手軍此皆用石為砲也夏世家有砲 手一百人號撥喜陡立旋風砲於橐駝鞍縱石如拳 從征回回河西等國俱以砲立功亦傳國至子及孫 皆為砲手干萬户薛塔喇海來歸太祖命為砲水手 力重而能及遠故也此論石帝悅即命為砲手至元 祖嘗問攻城畧地兵仗何先對曰攻城以砲石為重 則此時亦無火砲也阿爾哈雅傳會有西域人亦思 十年修立正陽東西二城置砲二百餘座傳子及孫

大已日年七書 一 震天雷者鐵罐盛樂以火點之砲起火發其聲如雷 時又命隋世昌立礟簾於城外又張榮從軍下漢江 砲火鎗之制金元之際已有之自明永樂問通西洋 至沙洋以火砲焚樊城中民舍幾盡遂破之按此皆 馬因獻新碾法新碾用因以其人來為磁攻樊破之 聞百里外所熟圍半畝之上火點著甲鐵皆穿又飛 礟之用火攻者也金史持嘉喀齊喀傳其攻城之具名 火館注藥以火發之輙前燒十餘步人不敢近此火

湛圆礼记

托爾楚傳至元十一年朝議准上諸郡宋之北藩城堅兵 萬之師無所用其巧矣至其甚也将吏外通賊至一 砲不發而反以資敵人之用其害可勝道哉 精攻之不可猝下徒老我師宜先渡江剪其根本留 為淮西行省祭知政事云云按元之取宋巴延統師 兵淮甸絕其救援則長江東虚而渡也於是以托爾楚 此砲一發而流血成溝骨肉糜爛雖有韓岳之將百 其藥器盡入中國萬歷問用紅夷火藥砲齎以攻城

金グセルノニー

大正马車公書 ~ 董博义見殺頭無血惟見白氣冲天王巴延知福寧 范存傳聞俗素行文編局取良家子為繡工無別尤甚 是巴廷之兵得一意以取臨安而宋遂亡矣其廟算 北之救援時宋重兵皆在楊州據瓜洲以扼其吭於 **椁作歌詩一篇述其弊廉訪使取以上聞皆罷遣之** 之先定如此 從大江東下直取建康而留索多駐兵瓜洲絕淮南 其弊遂革閩俗之汙元時已然矣存詩載集中 湛圆扎配

金グセグノニュ 元史錯繆莫甚於姚燧傳其文大抵拇拾燧所自為送 通可也今具列於後以俟讀者參之至燧既立傳則 暢純父序而前後倒置散亂不明以虚為實以寓言 官至某某諡文通亦非書法馬祖常傳亦然 姚樞傳末但曰猶子燧自有傳足矣而必贅之曰燧 為正意不獨與史法乖近於文字語氣亦直謂之不 為賊帥王善所殺頸斷涌白液如乳暴尸數日色不 一時死節之臣有此兩異 傳曰

欠足马早公野 不如古人者雖不敢輕非諸口而亦未當輕是於心 為文視流輩所作唯見其不如古人則心弗是也二 也退而自思人之能者余操慮持論且然然余不能 於衡云云按序云余冠首時視流輩所作唯見其 年十三見許衡於蘇門十八始受學於長安時未嘗 十四始讀韓退之文試習為之謂有作者風稍就正 '何以免人無嫉妬之譏乎年二十四始取韓文讀 ,捉筆試為持以示人譬如童子之關草彼能是余 湛圆礼記

金グセだる 感慨今乃引作實据此謂以寓言為正意也即許衡 為實其文意在何以免人嫉妬之意以起下不知者 亦能是彼有是余亦有是特為士林樂侮之一技馬 **之讀而能句句而得其意者猶寡燧曰世固有厭空** 耳云云且就正於先生先生賞其辭而戒之曰云云 桑而思聞鼓缶者乎然文章以道為輕重道以文章 按未嘗輕是於心亦文家常語何必引入此謂以虚 段不消認真 傳曰或謂世無知燧者曰豈惟知

次定四車全書 ! 隻言不棄而錄之又言世無知公者豈惟知之讀而 乎按或謂下又著曰設問答不知誰指後又著燧曰 置歐陽子則為去聖也有級而不遠其文雖無尹謝 能句句而得其意猶寡嗚呼世豈厭空桑之瑟而思 之知不害於行後豈有一言幾乎古而不聞之將來 聞鼓缶者子按語氣嗚呼下亦是純父語意帶感慨 不知是燧自言是對或問序曰純父自言得余一字 湛图礼記 Ĭ

輕重彼有班孟堅書表古令人物九品中必以一品

音之論嗚呼豈文章也作者難而知之者尤難欺故 答語文中有是乎令人讀之茫然序起手云歐陽子 其文雖無尹謝之知不害於行後猶以失之為悲下 中必以一等置歐陽子則為去聖賢也有級而不遠 後應之云世復有班孟堅者書表古今人物九品之 止及謝希深尹師古者紀序集古錄遂有無尹謝知 **今作燧答非是且分世無知燧者曰豈惟知之作問** 代儒宗一時所交海内豪俊之士計不十百而

次定四車全書 海不知言之非也按此文章自有次序今突出及尹 遠其文如風花之逐水霜葉之委土朝夕腐耳豈有 採入此序不宜零星掇拾致此荒謬 後倒置散亂不明也蓋史家欲見燧作文原委即當 謝之知又遺却自身一段不知所說謂何此所謂前 可不謂之知已足為百年之快恐純父由此而取四 言之幾乎古可聞之將來乎純父獨信之自余不 湛圆礼記 傳又云燧之

下之外豈別有等置余哉則為去聖賢也無級而絶

金グログ 湛園札記卷三 每來謁文必廣置燕樂燧則為之喜而援筆否則不 學得於許衡由窮理致知反躬實踐為世名儒後云 知反躬實踐者乎其自相矛盾甚矣至如史天 也類恃才輕視趙孟頫元明善輩此可謂之窮 炳兩家傳盡取其家碑銘虛語勒襲成文猶

欽定四庫全書

港園礼記卷四

詳校官中書臣王 鵬

員外郎臣斗稔文覆勘 總校官進士日朱 校對官主事日陳文福

鈐

謄録監生 即世後

Children Little 所在山皆有其華 她也 就他 奶也 随易二字漢書到人 翰林院編修姜宸英撰 し 主 梅疏似梅而小也亦曰車下前經云時英梅註准亦曰車下 或白或赤六月中熟大如李子 淇圆礼記 詩名南云唐棣之華陸璣曰

金分巴尼 全量 雅云常棣心華陸璣疏云許慎曰白棣樹也如李而 食又常棣註今關西有棣樹子如櫻桃可食疏詩 本大如李子今俗稱大如櫻桃者為郁李殊誤 按此則唐棣自一種名南所詠是也常棣與常棣共 棣葉如剌榆葉而微圓子正赤如郁李而小五月熟 大如李子棠棣實如櫻桃唐棣正名郁李又云與李 如櫻桃而正白今宮園種之又有赤棣樹亦似白 種而又自分赤白二種小雅所就是也唐棣實

|鳥口具疏鳥之張兩翅臭臭然搖動者名臭論語三臭 というしていたる 漢官中有伯使主為諸官驅使闢路於道伯中故言伯 宋書張暢愛弟輯臨終遺命與輯合墳時論非之宋劉 檟苦茶註椡小如栀子冬生葉可煮作羹飲今呼早采 翬家娣姒合葬尤奇 者為茶晚取者為茗一名荈蜀人名之苦茶按此茗 而作當作此解 飲已始於晉時 湛圆礼記

金グログノ 雷次宗被做還山何尚之設祖道文義之士畢集為連 魏司徒崔浩之死坐國史譏訕而宋史謂拓拔纛南寇 浩謀洩被誅當時河東大姓連謀夷滅者甚多此南 使即伍伯也 連倡和為詩也不然不當謂懷文所作尤美 **句懷文所作尤美詞高一座此連句非令聯句蓋相** 汝頹浩客有異圖妻弟柳光世要河北義士為浩應 北傳聞異詞亦由時誅殺狼籍故疑必坐反謀也

KNO DEL MINE 蕭子顯齊書最劣然議論亦有可采者祥瑞志云今觀 梁 制光禄大夫皆銀章青綬加金章紫綬者為金紫光 紫不行 亂日多何以異哉 魏晉以來世稱靈物不少而亂多治少史不絕書故 知來儀在沼遠非前事見而不至未辨其為祥也此 禄大夫任遐為光禄就王晏乞一片金乃轉改為金 與歐公五代史天文志之所論祥瑞之見治日少而 湛圆礼記

金グロたろうし 宋高宗中興孟太后詔獻公之子九人惟重耳之尚在 安成康王秀太祖子為江州聞前刺史取徵士陶潛曾 實居長亦典確不磨矣此表純用長聯開唐宋四六 孫為里司秀歎曰陶潛之德豈可不及後世即日辟 之祖 勸進湘東王表曰軒轅得姓存者二人高祖五王代 漢家之厄十世宜光武之中興時稱名向梁王僧辨 為西曹亦南朝佳事也

宋濂在元至正間授編修初未當解其集中有焚黃祭 大元司四十八十二 宋書禮志舊說後漢有郭虞者有三女以三月上辰産 文可考黄晉卿神道碑亦言明年以門人翰林國史 為潔濯謂之禊祠分流行觞遂成曲水史臣按周禮 忌至此月此日不敢止家皆於東流水上為祈禳自 道之碑云云 院编修官同郡宋濂之狀至京師臨川危素銘其神 二女上已産一女二日之中而三女俱亡俗以為大 温调机犯

金分旦月月 章句曰陽氣和暖鮪魚時至將取以薦寢廟故因是 乘舟襖於名川也論語暮春浴乎沂自上及下古有 周禮韓詩曰鄭國之俗三月上已之漆洧兩水之 是也學浴謂以香薰草藥沐浴也思按香草沐浴非 女巫掌成時祓除爨浴如今三月上已如水上之 此禮今三月上已被於水濱蓋出此也邕之言然張 拍魂續魄東蕳草拂不祥此則其來甚久非起郭虞 之遺風今世之度水也月令暮春天子始乘舟祭岂

欠已日日上十二十二 靖難兵至揚州江都令張本迎降成祖以滁泰二知州 **彌上劉楨魯都賦素秋二七天漢指隅人胥祓除國** 衡南都賦被於陽濱又是也或用秋漢書八月祓於 房吉田慶成率先歸附命與本並為揚州知府偕見 不必已也沈約此段乃是用擊虞東哲之對而不載 洛水浮觴故事殊不可解秋祓特新從來未經拈出 子水嬉又是用八月十四日也自魏以後但用三日 但所引祓除無關宋事志禮及此直是黃車小說耳 1 湛圆礼記

陳僧智永云樂毅論者正書第一深世模出自蕭阮之 金グビんろごう 皆求不得及天下既定永處處追尋累載方得陶貞 白云大雅吟樂敦論太師箴等筆力妍媚紙墨精新 興竟後仍屬廢帝廢帝沒又屬餘杭公主陳世諸王 王王昨收禁中即以見示吾當聞其妙今覩其真始 流莫不臨學陳天嘉中人得以獻文帝帝以賜始與 古所未有 任知府譚友德同位府事 一時揚州頓有四知府亦

言得之矣智永記如此按梁武帝云樂毅論微麗健 為非真竊自信頗涉有悟則好媚之評恐未然也此 恐非真跡宏景答啟思心甚疑是摹不輕言令旨以 真搦賜長孫無忌等六人外問方有則天時武平 神龍中太平公主取小函以歸平一任杉州日與太 帖入唐太宗與懶亭同所賞玩高宗勃馮懷素諸葛 函十餘卷所記憶者是扇書樂毅論告誓黄庭經至 少育宫中見真字楷書母巫可有二十餘卷别有小

ייין טיידין יייין אייני

湛闽礼記

金岁巴尼白 蘭亭自昭陵發掘後真本流落人間至宋南渡前猶 毅論以織成錦袋盛置於箱及籍沒後有咸陽老嫗 罪此書遂歸邻第徐浩古跡記又云太平公主愛樂 竊學袖中縣令尋追照懼奔趙投之竈下香聞數里 樂毅等七軸請崇允托其叔駙馬擏賂岐王以求免 有得之以献者而樂毅遂亡矣然徐浩云潼關失守 平子薛崇角堂兄子崇允連官說太平之敗崇角懷 後有趙城倉督自云有好書欲請贖罪史維則取看

欠日可与八十百 今世所傳鐘縣書間有千文當疑之後見宋太宗語參 遂取扇書告誓并二王真蹟四卷上之韋述開元記 書命周與嗣次韻而成之俚無足取 政李至曰千字文本無籍梁武帝得鍾繇破碑爱其 則豈數書流傳者皆扇乎備存之以俟臨池者 云宣 示其說已不同而平一云扇書樂毅告誓黄庭 及小王行書白騎遂等二卷則扇書者一云告誓 又云蕭令尋奏上滑州人家藏右軍扇上真書宣示 湛围扎記

金分巴居有量 嘉話錄云王右軍告誓文令之所傳即其藁本不具年 、知王介甫罷春秋進講案曲洧舊聞熙寧元年冬介 南初侍經筵未當講說上欲令介南講禮記至曾子 講尚書帝王之制人主所宜亟聞也於是罷禮記然 至於、林第之際上稱善安石遂言禮記多駁雜不如 易賽事介甫於倉猝間進說曰聖人以義制禮其詳 時頓去其二甚哉其侮聖也 則介甫不獨廢春秋講讀亦能講禮記矣五經中

人人口可以此 魏書張天錫字紙嘏一名公純而世說註引張資涼州 月日朔其真本云水和十年三月癸卯朔九日辛亥 而書亦是真小文開元初年閏月江軍縣及官寺修 講堂匠人於鳩友內竹筒中得之與一沙門主八 或云後借之岐王十年王家失火此書亦見焚按今 縣丞李延業求得之上岐王岐王以献帝便留不出 其摹法頗古 法帖所刻皆具年月豈後人因夢得言而増入耶然 湛固礼犯

高祖將殺崔暹世祖救之曰我為舍其命須與若手手 金切巴尼石門 宋史馬京傳論進士自鄉舉至廷試皆第一者幾三 鈔鑼吾鄉名銅百盆為鈔鑼見宋史禮志二十二卷金 即杖也 記日字公純嘏或謂過江後為人所笑滅一字不應 使解儀又外國傳數見之 字古今亦僅見此二人 魏收書亦從南朝所稱若乞伏慕末字安石跋亦三

Me unpry terror 宋官府燕席極侈動費數百金太原帥率用重臣每宴 饗費千金取諸縣以給斂諸太谷者尤甚知縣郭永 與 書抵幕僚止之 其科名然王嚴叟傳來。仁宗初置明經科嚴叟十 不螁科名者而不與是數亦以進士與明經科之別 王曽宋庠為名宰相馮京為名執政風流相映不媤 '歲與省試廷對皆第一亦三元也其忠節亦所稱 进调机机

金ケロカノニ 宋史忠義傳劉銳趙汝鄭死節文州不數葉重見之王 劉貢父博學古人多被其彈駁然其所為詩話往往於 或有除去官字示人曰此必番僧也聞者大笑按論 達禄須干取下惠聖之和師也達而子張學干禄事 淺近語多誤用如曰劉子贈人詩云惠和官尚小師 稱又云古人多歌舞飲酒唐太宗每舞屬群臣長沙 語是賜也達誤為師字且柳下是姓不當以下惠連 翎傳當時纂修之疎如此

欠らりまとき 北齊書幼主紀童戲者好以兩手持絕拂地而却上跳 井卦坎上巽下程傳取木器之象木入於水下而上子 宗蓋誤之遠矣 且唱今元宵前後兒童持繩之戲無處不然皆齊高 餘習也 也故朱子曰井象只取巽入之義不取木義不知本 王亦小舉袖曰國小不足以回旋以漢景帝為唐太 水汲井之象也按象解贏其瓶瓶汲罷文從垂太器 其图扎把

金ジロガノニー 公羊穀梁俱受春秋於子夏公羊解引戴宏序云子夏 傳與公羊高处羊不高傳子平平傳子地地傳子敢 條此其一矣 陶瓦為之朱子本義有姑從程說而自駁正之者數 居井之湄一旦曳礙為黨之軸故知自漢以前新旨 羸為毀敗之義惟及故有毀敗揚雄酒銘觀瓶之居 鳟罍古皆用木疑古以木為瓶此象巽木無疑不知 義何故又從程說厚齊馬氏 曰韓信以木點渡師

Kulging Liter 著於竹帛與董仲舒皆見於圖識是也楊士勛穀梁 流傳之異二傳皆是口相傳授至漢始著竹帛傳公 千秋為郎由是穀梁之傳大行於世是則公穀皆受 於子夏傳孫卿鄉傳魯人申公申公傳博士江翁其 釋云穀梁子名淑字元始魯人一名赤師古云受經 敢傳子壽至漢景帝時壽乃共弟子齊人胡母子都 經於子夏故其言大抵相同而又有相抵忤者當是 後魯人榮廣大善穀梁又傳祭千秋宣帝好穀梁擢 湛風礼記

金万里万人 世君臣有威權勢力其事實皆形於傳是以隱其書 事而作傳明夫子不以空言說經也春秋所貶損當 羊者以為孔子懼衰世之禍隱晦其文故不著竹帛 秋上紀天時下明王道所以正人心而 抑邪說也欲 而不宣所以免時難也是說也予未之信孔子作春 退而異言丘明恐弟子各安其意以失其真故論本 文志亦曰有所褒諱貶損不可書見口授弟子弟子 而學者徒私相授受而已此何休之妄說也漢書藝

獨其弟子則春秋可以不作善乎杜氏之言曰制作 徒與其弟子私相投受而已天下何由知之知之者 予不得已也又曰孔子成春秋而亂臣賊子懼孟子 義微此理之常非隱之也聖人包周身之防既作之 喻於吾之說然後可以開其愚敵而革去其邪心若 正人心而抑邪說必昌明其說於天下而使天下人 後方復隱諱以避患非所聞也孟子曰予豈好辯哉 之文所以彰往考來情見乎詞言高則旨遠詞約則

the state of the s

清阁礼犯

金分巴尼台雪 漢帝制法陳叙圖錄又云公羊五世至漢胡母生董 而新周引識文云某覽史記接引古圖推集天變為 班氏之說遂誣春秋點周王魯又曰春秋點把信宋 秘其書而不出亂臣賊子何所見而知懼哉作春秋 之好辯即孔子作春秋之意也使孔子自諱其辯隱 仲舒推演其文世人乃聞此言去孔子卒後三百歲 而茍避之是班氏以小人之心度量君子也何休因 則禍非所避欲畏禍則春秋不如弗作懼威權勢力

欠らり事とはなる 羊傳不可存也 讀書知文字者也欲其一見而知懼理所必無者矣 意滯凡一倒而前後矛盾不可通者難以枚舉使春 愚故謂何氏之從祀不可不廢而十三經註家唯公 秋本義若此學士家猶難於尋覓彼亂臣賊子非盡 之界亦已甚矣况其解傳不由傳意鑿空立義辭晦 所云點周王魯為漢制作豈獨誣春秋哉其為公羊 矣何不全身之有何休之說皆公羊傳所未有也其 湛固礼記 ţ

天育縣騎歌伊昔太僕張景順監牧攻駒閱清峻遂令 杜詩遊龍門奉天寺天闕象緯逼天官書天開雲物若 二傳之不同於左傳非不信當時實未之見也仲尼與 如諸家議必改闕字則不如開字之確 大奴字天育别養驥子憐神俊註云大奴王毛仲其 左丘明同觀史記而作春秋春秋之經網也左傳其 父坐事没官生毛仲隷於玄宗按張說隴右監牧頌 目也讀三傳者必當以左氏為主

金りで万人

醉時歌廣文先生官獨冷按唐書百官志廣文館博士 **德碑曰有霍公之掌政擇張氏之舊令霍公即王毛** 五正六則廣文博士當是正七品又按食貨志序 有馬則景順乃毛仲之屬也何反云遂令大奴乎大 仲故景順對帝亦曰帝之福也仲之力也臣何力之 四人助教二人而不言其品數依國子太學博士正 奴與驥子對自是謂其奴耳且毛仲已封霍公而奴 **义有是理乎**

KIND TON TON TON

湛圆礼犯

金グログノ 復修完寓治國子館自是遂廢廣文館原在國學增 至元和猶不廢也而新書云久之雨壞無舍有司不 置非以無壞而寓治謂遂發更妄 錢各助教二萬而博士反止得萬三干何耶如此則 中國學增置廣文館以領詞藻之士則廣文之設原 廣文先生飯不足果不待言矣 非特為鄭度而本傳云帝欲置左右以不事事更為 二年定生員廣文六十人東都廣文十人則廣文館 新書選舉志元和 又唐書云天寳

次至写事一全書 雨過蘇端新書楊館傳謂端儉人也論館聽險不實貶 百罰深盃亦不解桑人在江總席上曰雖深盞百罰吾 置廣文館以虔為博士皆非實錄也 亦不辭也韓昌黎詩飲酒寧姨盛底深 稱為文送教諭者豈不可笑 監後世郡縣學教職借稱耳而近世文家竟有以此 石故日解秩宜多滿豈張良子 物慕張邴注謂張良邴曼容非張長公仕不過五百 淇圆礼記 廣文在國子

朝 彭衙行刪韻無文真寒元五韻 送 李校書何時太夫人堂上會親戚汝翁草明光天子 徒步歸行此未抵鄜州乞馬於李公而作當在北征詩 前時尚未見妻子也下二首做此 回日日三句吳孫權好濟哈酒曰尋常行坐處欠人 正前席父在而母稱太夫人亦一故實 酒絡欲貰此縕袍償之不獨用其辭無用其事矣 州員外司馬而竟改紹原諡文貞為文簡 欠心可归人生的 同谷縣七歌歲拾粮栗隨祖公莊子盗跖篇畫拾粮栗 石 壕吏註寰宇記神雀臺在陝西硖石縣東北四十五 幕栖木上 然不既多乎以此意讀之方覺語意精彩頓別 考回鶻之俗衣兒皆白故連屯左輔而百里如積雪 都耶留花門樓鑰答杜仲高書花門即回鶻也某當 里石壕鎮按唐先天初置臨汝縣舊唐書註云移治 石壕驛臨汝與洛陽亦不遠安知公不從此而抵京 南有龍兮在山湫吳本註此篇為明皇 湛風礼記

金罗巴尼石雪 寓居同谷公绕居同谷而明皇亦始居與慶安能逆 明宫謂之東内而以太極宮為西内南内蓋配兩宮 初置至十四年又增廣之謂之南内則南内之名自 候其隙間之故上元二年帝遭西内 明年改元乾元時持盈公主往來宫中李輔國常陰 作也明皇以至徳二載至自蜀居與慶宮謂之南内 開元已然何謂自蜀居之始有此稱耶 科其然按史與慶宮在皇城東南距京城之東開元 詩題乾元中 龍翔後大

我有一匹好東絹唇書地理志陵州仁壽郡供熱溪絹 東坡詩註驚溪在梓州監亭縣出絹甚良杜詩云云 會耳 主傳云上皇居西宫獨主得入侍輔國傳又不載但 安咸宜二公主視膳西宫而本傳皆畧之惟楚國公 而言也非始於明皇幸蜀之後明矣 公主入侍與此詩毫不相涉僅一南字與南內相附 太上皇見之李輔國傳而本傳不載輔國傳又載萬 按史持盈侍

欠正日日上上

湛圆礼記

過代國公故宅郭公大功在廷諍不受廢立之詔所謂 金げんしたという 遣之則元振之行自出后意不得云以宗楚客等 狀合 家體 觀公詩全首知其用意所在正與燕公所作行 定策神龍後也新書僅載其總兵扈從之一節失史 蓋調此也 妬而出之也宗楚客欲召而殺之其事在後 洛城門宴邊報處至因輟樂拜元振為涼州都督而 此詩簽註甚謬按突厥吐蕃短凉州后方御

A COLOR CITY 樓鑰曰嘉陵江水何所似一作山水者是蓋嘉陵江至 自平宫中吕太一售唐書廣德元年宦官市舶使吕太 唐尚有一吕太一為張嘉貞薦授中書舍人時語曰 **酉即錦屏山蓋山如石黛水如碧玉故云嘉陵山水 聞州西北折而趙南復折而趙北三面皆水故亦謂** 令君四俊苗吕崔員 >閬中間內地勢平闊江流舒緩城南正當佳處對 逐廣南節度使張休縱兵大掠是此吕太一也 温圆扎把 按

金少也是人 遲暮堪帷幄飄零且釣罠罠選註麋網是也雖說文亦 柏行田况古柏記自唐季凋瘁歷王孟二國蠹稿尤 耳不害其為專咏水也原作江水宜仍之 閬山間水上是関山此章自是單咏間水玩下浪花 何所似石黛碧玉相因依真絶唱也 甚然以祠中樹無敢剪伐者皇朝乾德丁卯歲仲 有釣義然兩釣義同且與上帷幄不對 沙際盪樂含魚可見石燻碧玉言水色與山光相映 按題是分咏

課伐木詩叙必昏黑摚突夔人屋壁朱仲晦曰夔人正 鳴玉栖房權謝惠連擣衣詩簪玉出北房鳴玉步南階 年矣 用獎觸按獎跳見魯靈光殿賦自為虬龍動貌無觸 謂夔州人耳而山谷乃有黑月虎夔藩之語此頌 治亂因命工圖寫以貽好事者自三分迄今八百餘 天寒大羽獵此物神俱王莊子神雖善不王也 枯柯復生日益數茂觀者歎聳以為榮枯之變應時 将因礼記

次正四事七十

贈司空王公思禮按思禮代李光弼為河東節度副大 圂 用未安耳 義不知山谷何所據也愚按謝朓三日侍宴詩河 使上元元年加司空入二年薨史曰自武德以來 色然不知何典 躍踢海介躨跜躨跜對躍踢似亦有髮觸之義但置 公不居宰輔唯思禮而已則司空乃生前所加非 人送瓜傾筐蒲鴿青滿眼顏色好蒲鴿或是瓜狀青 贈

欠足可事人 合昏排鐵騎清旭散錦懷周禮司團註弗使別飾者著 觀公孫大娘弟子舞劍罷行樂府曲名有西河劍罷又 註綠腰或作錄要謂錄其要者進上耳 凉州綠腰蘇合香屈柘團圓旋甘州等按劍罷屬健 有醉渾脫 舞即其頓挫可知矣註又曰云云皆樂府雜錄此段 健舞曲有稜太阿連柘枝劍器胡旋胡騰軟舞曲有 也公不知何據 樂府雜錄有健舞軟舞字舞花舞馬舞 淇园礼記 Ŧ

金グロカノニュ 韓詩無因帆江水注帆去聲引杜詩浦帆晨初發按 桓帝末童謠城上鳥尾畢逋公為吏子為徒一徒死 傳拔斾投衡注使不帆風差輕帆凡劍反謂飽風也 墨懷錦懷以錦包頭也若如箋註作錦裝引廣韻醺 乗車車班班入河間河間蛇女工數錢以錢為室金 為堂石上憮憮春黄粱梁下有懸鼓我欲擊之丞相 子曰驜豈有上鐵騎下復舞錦驟者 杜詩實誤用 百

欠已可与心的 昔者王珂人誰是青雲器唐制四品得鳴珂蓋貴官也 岳陽風土記赤沙湖在縣南夏秋水漲與洞庭通杜子 將軍昔著從事衫魏孝肅詔百官悉依舊章不得以務 美所謂殿脚挿入赤沙湖也 衫從事務衫即所謂從事衫矣 誇數錢漢人膏馥為後人攬取不盡 演河間七字為兩句曰邯鄲女兒夜沽酒對客挑燈 怒杜詩慎莫近前丞相嗔本此蓋樂府體也令嘉州 湛圆扎記 Ē

幸賢初相漢范叔己歸秦豕韋與范同出故用范叔作 世傳韓退之屢干執政者然社公始入京師一投張均 畫手看前輩吳生遠擅場宋初修老子廟廟有吳道子 繆妄也 對不如註稱望見素去楊國忠一如范叔去穰侯之 閉門不出者三年乃以車載壁沈之洛河 畫壁官以其壁募人買有隱士以三百千得之於是 凡弟再贈鮮于仲通二君皆非端士而窮困不免為

金少巴尼人

難說视難翁風俗通呼雞朱朱俗說雞本朱公化為之 家書萬金以烽火三月也後人遂以萬金為故實矣 天老書題目周禮占夢疏堪輿天老云云 聲也讀若祝祝者誘致禽畜化順之意別與朱音相 此士之失志寧堪問乎 而命呼雞皆未朱也說文解字別別二口為謹州其 似耳實公答魏胡太后把栗與雞呼朱朱後太后果 爾未榮所害則朱讀又當如字

鉱定四庫全書 宫中每出歸東省會送變龍集鳳池箋曰政事堂在東 驥子春猶隔裝宣明子景鸞景鴻並有逸才河東呼景 政事於中書省則堂在右省也杜甫為左拾遺其詩 集政事堂白六押事耶杜為拾遺時而政事堂已在 省屬門下至中宗時裝炎以中書令執政事筆故徙 歸東省者以本省言也又送夔龍於鳳池殆左省堂 所謂鳳池者中書也左省官方自宫中退朝而出則 鸞驥景鴻龍文公名子以此

送翰林張司馬南海勒碑按唐書品向傅向進左補闕 大明宫則天長安元年改含元宫為大明宫 裴炎以侍中遭中書令故徒政事堂於中書省後張 說又改政事堂為中書門下文昌雜錄云鳳池在中 為其官於東省而越至西省故文昌錄於此關疑按 書省杜詩不應有惧恐唐朝別有故事且恐是時政 中書故出東省而入於西省者就政事堂見宰相也 事堂適在右省耳 将国礼记 圭

送 許 朝花底散箋引晦庵云唐殿庭問種花柳故杜詩云 宜作詩送之 帝自為文勒石西嶽詔向為鐫勒使此雖權設亦以 見之文昌雜錄北宋人語也 云本朝惟树槐秋鬱然有嚴毅氣象按晦庵之說又 士人為之也鶴日或待諂鐫刻之流若是雜流公不 沙尾行滙六十里舟多敗溺澣從漕路由京口埭治 (拾遺歸江學觀省唐書齊澣傳潤州北距瓜市

到近四届全書

No. 17 Total Astron 壽酒賽城隍北史慕容儼守郢州城中先有祠 魚海路常難唐李國臣傳以折衝從收魚海三城 寓目 京始口定 號城隍神此城隍神始見史傳者 許在天實中故得云京口渡江航美京口渡自晉宋 故題云寓目寄慨深矣 伊婁渠以達揚子歲無覆舟此開元二十二年事送 縣蒲苗熟秋山首着名蒲苗首宿皆來自西戎 湛国礼記 Ŧ 一所俗

金分四月百十 烏麻蒸續曬箋引本草胡麻生中原山谷南都賦其原 山寺西域傳康者一曰薩末鞬亦曰颯秣建貞觀時歲 謂鳥道乍窮羊腸或斷者也但言是大都督李允信 野則有桑漆麻紵按胡麻即巨勝可服食者南都 注約麻屬不聞桑麻之麻可以蒸曬服食 於壁之南崖梯雲鑿道不言先有瑞應寺 在秦州東南百里云云按庾信有麥積崖佛龕銘所 八貢金桃銀桃的令植苑中懸崖方與勝覽麥積山 뒢

大足马車合 細 畢景羨沖融南史殷臻幼有名行表粲褚彦回並賞異 樓鑰曰當與蜀黃文叔當食花秤因問蜀中有此乎曰 雨魚兒出正與縣雨落河魚相對看魚逢細雨則草 解嘲於其處大種橘柚終非土宜無一活者 實乃此稗也問之土人云工部既誤有好事者欲為 親到蒼溪縣順流而下兩岸黃色照耀直似橘柚 食於水面縣雨而大則反落也 此物甚多正出閬州杜詩所謂黄知橘柚來誤矣自 H 湛圆机記 Ī

金グロ万ノニ 日斜魚更食食字新然見鶡到子云江湖渺然游魚點 世說西域道人謂司馬國寶人面而獸心杜正用其語 惟人面獸心不可測故曰薄俗防人面馬蹄是莊子 歸客未還亦縮字之法 畢竟聽還薛道衡立春絕七日離家己二年此云春 然忽見波明食動幸賜於天 養生之旨故云 义每造二公之席椒清言畢景北齊書王晞傅亦曰

昆吾御宿自逶迤漢水衡都尉有御羞令丞註御羞地 百慎交終疏舊說殺部也李衛公曰緩六轡總也 辭故國十經秋每見秋瓜憶故侯因瓜州相映帶故 御宿川是也此則復名繁宿矣繁與御同 名多出御物可進者楊雄傳謂之御宿 **終訓轡為是禮親迎有授綏之禮** 遊樂宿郭杜之間師古曰樂宿苑在長安城南今之 以秋瓜起與此正文情游戲天機爛漫處箋欲改為 元后傅夏 一按

次定四年全書

湛阳礼記

Ī

付りで 畢曜仍傳舊小詩畢曜不見注酷更敬羽傳羽與毛若 地 即庭燎也早朝所用注用始皇人魚膏無涉且不宜 流點中曜正肅宗時人耀即俗曜字又見喬琳傳會 虚装昇畢曜同時皆暴忍時稱毛敬表畢未幾昇曜 以亡秦比天寳 下無朝燭人間有賜金朝燭只如禮所謂手燭地燭 **表水州則與上秋瓜何涉** 儀書記顔魯公碑陰亦列其名 ¥. 欠己の事と時 藥藥自閉春藥藥出文選 陸 江深劉備城岳陽風土記劉備既與肅畫湘為界遂築 放翁野飯詩可憐城南杜零落依澗曲面餘作詩瘦 云 守浣花舊業其後避成都亂徙眉州大埡或徙大蓬 地鳥沙鎮對壘在州北六十里俗謂之金門劉備城 ·拜尚不俗自註杜氏自譜以為子美下峽留一子 |自獵知無敵庾信詩野鶴能自獵江鷗解獨飛 湛旧礼记 丰

東坡曰司空表聖自論其詩以為得味外味如基聲花 或謂杜七律必諧四聲惟老去詩篇渾漫興與字去聲 院闭幡影石壇高吾獨遊五老峯入白鶴觀松陰滿 聲考之全集則未確 寒儉有僧態若杜子美云暗飛燈自照水宿鳥相呼 與子瞻詩詩篇真漫與亦用此也然謂杜律必諧四 重出干家詩作漫與是余按荆公詩粉墨空多真漫 地不見一人惟聞基聲然後知此詩之工也但恨其

金りであるする

遮,莫鄰雞下五更遮,莫舊注俚語猶言儘教也按傳信 是自在說了會此三說可見詩家身分當作三層看 蘇州之寒雨暗深更流蠻度高閣此景為可想但則 蘇與司空尚是就詩論詩晦庵則於詩外別有見解 甚遠矣然朱晦庵以暗飛螢自照語自是巧不如韋 四更山吐月殘夜水明樓則才力富健去表聖之 帅 祭著劉朝霞獻明皇幸温泉詞直搜得盤 古隨掐

欽定匹庫全書 送装二虬作尉永嘉韓集河南少尹張君墓誌文虬 耶 刺史杜詩有送表二虬作尉永嘉詩則歐陽之說自 道州刺史唐史亦不見其事歐陽公直得之怡亭銘 虬代宗時為道州刺史此文云為諫議大夫不云為 有氣畧敢諫諍為諫議大夫朱註歐陽公政怡亭銘 得女媧瓤遮莫你古時千帝豈如我今日三郎此是 俳諧正合俗語 余按蘆浦筆記云唐賢題名有河東裴則為道州

11 1

台州志鄭度字若齊謫台州司户台人初見度衣到言 ン・ラー・シー 子美喜用所字如朱夏熟所膺将老委所窮使臣精所 之病 遣死鹿力所窮夾輔待所致多晦滞不可解亦文字 宣氣酣達所為名賢慎所出筆礼枉所申朝廷悲所 終紀綱正所持久客慎所觸師伯集所使懷抱罄所 擇逆節同所歸飄風争所操畫地求所歷日出甘所 有據不專得之怡亭銘也 世日しこ Ē

一 銀定四屆全書 桃 四寸一 竹杖按戴愷之竹譜林於桃枝註云桃枝皮赤編之 滑勁可以為席顧命篇所謂後席者也爾雅釋草云 於台世為台人孫瓘為恊郎虔詩不傳此二句僅見 動嫌之時為之語曰一州人怪鄭若齊鄭若齊怪 於此故存之 州人虔當作詩自歎云著作無功干里竄形骸違俗 州嫌遂選民間子弟教之有林元籍等從之游終 節為桃枝余之所見桃枝竹節短者不兼寸

幾年逢熟食春人以冷食為熟食以將禁火先具餐發 こうこ 席者也 詳爾雅所云復是何桃枝耳經雅所說二族決非作 長者或踰尺恐爾雅所載草族自有桃枝不必是竹 出朱提郡曹爽所用者也詳察其形寧近於竹但未 冷食即杜熟食也張籍亦云廊下御厨分冷食 也齊人呼為冷節見潛確類書按白樂天詩留傷和 山海經云其木有桃枝劍端又廣志層木篇云桃枝 /: L.i 湛 围札記

釗定四屆全書 秦州詩士苦形骸黑旌疏鳥獸稀鳥獸即 湛園礼記卷四 士苦則形骸自黑旌疏則鳥獸自稀鳥獸稀猶云天 倒短褐也 **眾運永嘉記百卉正發時聊** 摘 供